

Marlon Croes di DOW ta informa riba ultimo desaroyo di Carnival Village



ORANJESTAD (AAN): Director di DOW, Ing. Marlon Croes a elabora riba Carnival Village, cu ta consisti di 6 kiosco y un toilet block, tres na cada skina. E ta indica cu kiosco 4,5 y 6 ta bezig cu dak caba.

Pa loke ta trata kiosco 1,2 y 3 nan a caba di basha ring-balk siman pasa, y awo nan ta trahando pa pega blokinan riba e ringbalk pa asina cuminsa cu e dak di e kiosconan aki.

Croes a bisa cu nan tambe ta lantando bloki riba ring-balk pa e bañonan y trabaonan paralelo ta e parti di instalacion di gas, y lifanan di coriente pa cada kiosco tin nan facilidad di gas, awa y coriente.

DOW ta premira riba papel cu e-trabao mester wordo entrega dia 2 di September, pero lo tin un retraso cu lo pusha e final di e proyecto pa fin di September.